

HEADLINES

- ۱۔ لیفٹیننٹ گورنر منوج سنہا نے آج قومی اتحاد گا تہاڑہ ور راج بھون گا افسراں تے عملہ نانہہ اتحاد گو حلد دوايو تے نال بی سردار ولہہ بھائی پٹیل نانہہ اُن گا 150 ویں سالگرہ گا موقع ور خراج عقیدت پیش کیو۔
- ۲۔ وزیر اعلیٰ عمر عبداللہ نے کشمیر میراتھن ایکسپو گو افتتاح کیو اُنہاں نے کہیو کہ یہ تقریب کھیڈاں تے سیاحت نانہہ فروغ دے گی۔
- ۳۔ جموں کشمیر قانون ساز اسمبلی گو اجلاس غیر معینہ مدت واسطے ملتوی کردتو گیو بے اس دوران 5 سرکاری بلاں نانہہ منظوری دتی گئی بے۔
- ۴۔ چار سالوں تیں بعد دربار بدل گی تاریخی روایت شروع کی گئی بے ہفتہ مانہہ 5 دن کم کرن آلا دفتر آج شام تیں سرینگر مانہہ بند ہو جیں گا۔
- ۵۔ چیف سیکرٹری اٹل ڈلو نے تعلیمی سیکٹر گو تفصیلی جائیزو لیو تے اس دوران اُن نے تکنیک ور مبنی بدلاؤ ور زور پایو۔

LG PLEDGE

لیفٹیننٹ گورنر منوج سنہا نے آج قومی اتحاد گا تہاڑا غا موقعور راج بھون غا افسراں تے عملہ نانہہ اتحاد غو حلف دوايو۔ ایل جی موصوف نے سردار ولہہ بھائی پٹیل غی 150 ویں سالگرہ ور اُنہاں نانہہ خراج عقیدت پیش کیو اُنہاں نے عوام تیں اپیل کی کہ وہ خود انحصار تے ترقی یافتہ بھارت واسطے پوری لگن تیں کم کریں حلف لیتا واں اُنہاں نے اس طرح کہیو۔ لیفٹیننٹ گورنر منوج سنہا نے رن فاریوٹی دوڑ نانہہ چھنڈی دسی تے ایس کے آئی سی سی سرینگر مانہہ مرکزی زیر انتظام سطح غی تقریبات غی صدارت کی۔ اپنا خطاب مانہہ اُنہاں نے ایک واری پھر تیں کہیو کہ جموں کشمیر غی ریاستی حیثیت مناسب وقت ور بحال کی جے گی۔ جسراں کہ مرکزی وزیر داخلہ نے کہیو بے۔ اُنہاں نے مزید اس طرح کہیو۔ اس دوران راشٹریہ ایکتا دیوس غی یاد مانہہ آج پوری یوٹی مانہہ بکھ بکھ تقریبات منعقد کی گئی۔ پونچھ مانہہ ایکتا واسطے دوڑ گو اہتمام کیو گیو جس مانہہ 7 سو تیں متہ شرکاء نے حصو لیو جن مانہہ بکھ بکھ اسکولوں گا طالب علم، کالجوں گا طلبہ، کھیڈاری، سیول سوسائٹی غا ارکین تے حفاظتی فوج گا اہلکار شامل تھا دوڑ نانہہ چھنڈی دستاں واں ڈی سی پونچھ اشوک کمار شرما نے اس طرح کہیو۔

CM MARATHON EXPO

وزیر اعلیٰ عمر عبداللہ نے آج کشمیر میراتھن ایکسپو غو افتتاح سرینگر مانہہ کیو اُنہاں نے کہیو کہ یاہ تقریب کھیڈ تے سیاحت نانہہ فروغ دین واسطے اہم بے اپنی تقریر مانہہ اُنہاں نے دسیو کہ ایکسپو تے میراتھن غو ایک ساتھ انعقاد تیں کھیڈ مہم جوئی غی سرگرمی تے مقامی ثقافت نانہہ فروغ لبے غو اُنہاں نے کہیو کہ ایسا منظم تقریب تیں شرکاء نانہہ قومی سطح غا مقابلہ غو تجربو حاصل وے غو۔ عمر عبداللہ نے یوہ وی کہیو کہ باہر تیں آن

آلا سیاح کشمیر غی دستکاری ثقافت تے سیاحت نانہ وی قریب تیں دیکھ سکیں گا جس سنگ وادی غی پہچان مزید مضبوط وے غی ذرائع ابلاغ سنگ گل کرتا واں وزیر اعلیٰ نے اس طرح کہیو۔

LA DINE DIE

اج سپیکر عبدالرحیم راتھر نے جموں کشمیر قانون ساز اسمبلی غو اجلاس غیر معینہ مدت واسطے ملتوی کیو یوہ اجلاس 9 دنوں توڑی جاری رے غو جس مانہ چار راجیہ سبھا نشستیں غا انتخابات تے کئی اہم بلاں گی منظوری شامل تھی اجلاس مجموعی طور پر امان اریو سوائے چند بحث غے اس دوران 5 سرکاری بل منظور کیا گیا تے 2 پراؤیٹ ممبراں غی قرار دار ور بحث ہوئی آخر مانہ سپیکر نے تمام اراکین غو شکریو ادا کیو کیونجے اُنہاں نے اجلاس نانہ کامیابی تیں مکمل کرن مانہ اپنو تعاون کیو۔

Dy CM RAJOURI

نائب وزیر اعلیٰ سریندر چودھری نے اج اعلان کیو کہ راجوری ضلع مانہ سال 2025-26 واسطے شہراں تے قسباں غے تحت 277 کماں واسطے 37 کروڑ 77 لکھ روپیہ منظور کیا گیا ہیں۔ اسمبلی مانہ ایک سوال گا جواب مانہ اُنہاں نے کہیو کہ منی سیکٹریٹ پروجیکٹ جہیڑو ایس ٹی ایف سکیم غے تحت منظور ہوو تھو اس ور ہُن توڑی 7.50 کروڑ روپیہ خرچ کیا جا چکا ہیں اُنہاں نے کہیو کہ سڑکاں تے پُلاں سمیت دیگر منصوباں نانہ ضرورت غے مطابق تے عوامی نمائنداں ایم ایل ایز تے ڈی ڈی سی ممبراں غی سفارشاں غے مطابق ترجیح دتی جارہی ہے تانجے ہر علاقہ مانہ برابر تے ضرورت غے مطابق ترقی نانہ یقینی بنایو جاسکے۔

DARBAR MOVE

جموں کشمیر مانہ چار سال گا وقفہ تیں بعد تاریخی دربار بدل غی قدیم روایت دوبارہ شروع ہو رہی ہے۔ آکاشوانی جموں غا نمائندہ غے مطابق 5 دن کم کرن آلو دفتر اج شام تیں بعد سرینگر مانہ بند ہو جے غو تے 6 دن کم کرن آلو دفتر نومبر غی پہلی تاریخ تیں بند ہو جیں غا۔ تمام دفتر 3 نومبر تیں جموں مانہ دوبارہ کھلیں گا۔ دفتر بند ہون تیں بعد تمام ملازم 1 تے 2 نومبر نانہ جموں منتقل ویں گا۔ جس واسطے جموں کشمیر سڑک ور نقل و حمل بارے ادارہ نے تمام انتظامات مکمل کرلیا ہیں۔

LG HOME DEPTT

آئیندہ ٹھنڈ گا موسم 2025-26 غے پیش نظر جموں کشمیر حکومت نے حکم دتو ہے کہ داخلہ بارے محکمہ غے تحت اہم دفتر سرینگر تے جموں دواں جگہاں ور ایک بی ویلے مانہ کم کریں گا 2025 گا سرکاری حکم نمبر 522 غے مطابق ان انتظامات مانہ پولیس ہیڈ کوارٹر جیل گا صدر دفتر پروسیکیوشن بارے ڈائریکٹوریٹ پولیس ہاؤسنگ کارپوریشن ہوم گارڈ ، ایس ڈی آر ایف تے ضروری خدمات فارنسک سائنس لیبارٹری ، سینک ویلفیر وغیرہ غا دفتر شامل ہیں۔ اس حکم نامہ مانہ کہیو گیو ہے کہ محکماں غا سربراہ نانہ ہدایت ہے کہ

وے موسم سرماں گا مہینہ مانہ بغیر کسے رُکاوٹ غے کم مانہ برقرار رکھن واسطے عملہ
بلا رُکاوٹ دستیابی نانہ یقینی بناویں۔

CS EDU DEPTT REVIEW

چیف سیکرٹری اٹل ڈلو نے کل محکمہ تعلیم غی ایک تفصیلی میٹنگ غی صدارت کی
تانجے تدریسی کارکردگی، تعلیمی ڈھانچہ غی ترقی تے ٹیکنالوجی غا استعمال سنگ جڑیا
منصوباں غو جائیزو ليو جاسکے۔ چیف سیکرٹری نے زور دتو کہ محکمہ نانہ اپنا طویل
مدتی منصوباں واسطے واضع ہدف تے وقت غی حد طے کرنی چاہیے۔ اُنہاں نے ہدایت دتی
کہ ودیا سمیتی کیندرا غے تحت تمام ٹیکنالوجی پروجیکٹ نانہ جلد از جلد مکمل کیو
جے تانجے طلبہ غا تعلیمی نتائج بہتر ویں۔ اُنہاں نے مزید کہیو کہ ان منصوباں غی پیش
رفت غو باقاعدہ جائیزو ليو جے غو۔

VIGILANCE RALLY

وجیلینس بیداری ہفتہ گا حصہ گا طورور عوامی زندگی مانہ شفافیت دیانتداری تے جوابدہی
نانہ فروغ دین واسطے ریاسی مانہ ایک بڑی ریلی گو انعقاد کیو گیو ریلی نانہ ڈپٹی
کمشنر ندھی ملک نے جھنڈی دس غے روانہ کیو جس مانہ سرکاری افسران، طلبہ تے
سیول سوسائٹی گا ارکان نے پرجوش شرکت کی شرحاء نے ہتھاں مانہ پلے کارڈ چایا وا تھا
تے رشوت خوری غے خلاف نارہ لاریا تھا اس موقعہ ور خطاب کرتا واں ڈی سی موصوف،
ندھی ملک نے براین ور زور پایو کہ روز مرہ گی زندگی مانہ ایمانداری انصاف پسندی
نانہ برقرار رکھیں۔

PROG ANN

ریجنل نیوز یونٹ آکاشوانی جموں غی طرفوں آئیندہ 1 نومبر نانہ 30 منٹاں ور مبنی خواتین
غی معاشی خود مختاری جموں کشمیر دیہی روزگار مشن غے تحت، اس موضوع ور
خصوصی گل بات غواک پروگرام نشر کیو جائگو یوہ پروگرام 1 نومبر دوپہر 12:30 بجے نشر
کیو جائیگو اس پروگرام مانہ مارا خصوصی مہمان جموں کشمیر دیہی روزگار مشن غی
مشن ڈائریکٹر شوبرا شرما ویں غی جد کہ پروگرام مانہ میزبانی غا فرائض شروتی کھجوریہ
انجام دیں غی یوہ پروگرام آکاشوانی نیوز جموں تیں میڈیم ویو 303 میٹر یعنی 990 کلو ہٹز تے
ایف ایم 100.3 میگا ہٹز ور سنیو جاسکے گو۔
